



**Broj: 08-02-07/2-11-2-1440-9/26**  
**Dana: 26.5.2026. godine**

Na osnovu člana 70. stav (1), (4) i (6), a u vezi sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-02-07/2-11-2-1440-8/26 od 22.5.2026. godine, u postupku javne nabavke "Nabavka forenzičkog materijala za krim.tehniku", policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

### **O D L U K U**

#### **o poništenju postupka javne nabavke**

#### **Član 1.**

U skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), poništava se postupak javne nabavke za "Nabavka forenzičkog materijala za krim.tehniku", iz razloga što nijedna od primljenih ponuda nije prihvatljiva.

#### **Član 2.**

Za izvršenje ove Odluke zadužuje se i ovlašćuje Sektor za materijalno-finansijske poslove.

#### **Član 3.**

Ova Odluka objaviće se na web-stranici ugovornog organa ([www.mupzdk.gov.ba](http://www.mupzdk.gov.ba)), u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-1440-1/26 od 22.4.2026. godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke iznosila je 21.000,00 KM bez PDV-a.

Obavještenje o nabavci broj: 30099-7-1-34-3-57/26, poslano je na objavu dana 24.4.2026.g. u 12,49 sati, a sažetak istog objavljen je dana 5.5.2026. godine u "Službenom glasniku BiH", broj 31/26.

Komisija za javnu nabavku imenovana je Rješenjem broj: 08-02-07/2-11-2-1440-3/26 od 24.4.2026. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-1440-5/26 od 11.5.2026. godine, Zapisnik sa otvaranja ponuda broj: 08-02-07/2-11-2-1440-5/26 od 11.5.2026. godine, i Zapisnik o pregledu i ocjeni ponuda broj: 08-02-07/2-11-2-1440-8/26 od 22.5.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da se do roka određenog za dostavljanje ponuda, 1 (jedan) ponuđač prijavio na predmetno javno nadmetanje i to ponuđač TERMOELEKTRO TRADE d.o.o. Brčko, te da ponuda istog ne ispunjava

zahtjeve ugovornog organa u formalno-pravnom, ekonomskom i tehničkom smislu, odnosno da je neprihvatljiva iz sljedećeg razloga:

Tačkom 13. Tenderske dokumentacije kao dokaz tehničke i profesionalne sposobnosti, ugovorni organ zahtijevao je uspješno iskustvo kao osnovnog ugovarača u realizaciji najmanje 2 (dva) ili više ugovora u vezi sa predmetom nabavke tj. isporukom forenzičkog materijala, u prethodne dvije godine, čiji je zbirni iznos najmanje 15.000,00 KM bez PDV-a. Članom 49. stav (1) tačka a) Zakona o javnim nabavkama Bosne i Hercegovine i tačkom 13.1.1 Tenderske dokumentacije propisano je da se tehnička i profesionalna sposobnost dokazuje spiskom izvršenih ugovora i potvrdom o njihovoj realizaciji koju daje druga ugovorna strana. Shodno praksi Ureda za razmatranje žalbi BiH, ocjena podobnosti referenci zasniva se na stvarnoj sličnosti predmeta ugovora, odnosno na tome da li dostavljene refrence potvrđuju iskustvo u izvršenim poslovima koji su po svojoj prirodi uporedivi sa predmetom nabavke.

Ponuđač "TERMOELEKTRO TRADE" d.o.o. Brčko na stranici broj 29. Ponude dostavio je spisak ugovora sa:

1. TERMO KONTROL d.o.o. Bijeljina na vrijednost od 6.530,00 KM bez PDV-a;
2. ROSS-ADRIJA d.o.o. Brčko na vrijednost od 9.840,00 KM bez PDV-a.

Iz potvrda navedenih privrednih subjekata koje su dostavljene na stranici 30. i 31. Ponude, kao i iz spiska izvršenih ugovora proizilazi da se isti odnose na nabavku i isporuku balističke opreme.

Konkretno, kao predmet ugovora zaključenog i realiziranog sa privrednim društvom „TERMO KONTROL“ d.o.o. Bijeljina navedena je baterijska lampa, boroskop kamera, inspeksijska kamera, kinetički izvlakač metaka i lasersi nišan, dok je kao predmet ugovora zaključenog i realiziranog sa privrednim društvom „ROSS-ADRIJA“ d.o.o. Brčko navedena presa za punjenje municije, prah za otiske prstiju i četkice za otiske prstiju.

Navedene potvrde ne mogu se prihvatiti kao odgovarajući dokaz tehničke i profesionalne sposobnosti, jer se ne odnose na ugovore koji su po svom karakteru i predmetu slični predmetu nabavke tj. nabavci forenzičkog materijala. Naime, predmetni ugovori/potvrde, osim u dijelu praha i četkica za otiske prstiju se u cijelosti odnose na balističku opremu koja po svojoj prirodi i funkciji nije uporediva, niti slična sa forenzičkim materijalom što također nedvosmisleno proizilazi i iz uporedbe gore navedenih stavki sa datim opisom i svrhom robe tražene Aneksom II predmetne Tenderske dokumentacije.

Dodatno, prema Jedinostvenom rječniku javne nabavke (Common Procurement Vocabulary) tj. prema referentnoj nomenklaturi koja se primjenjuje u postupku javne nabavke, stavke koje su navedene u potvrdama ne mogu se svrstati kako pod CPV kod predmetne nabavke, tako ni pod CPV diviziju.

U skladu sa svim navedenim odlučeno je kao u dispozitivu ove Odluke.

#### **PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o poništenju.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

**POLICIJSKI KOMESAR  
GENERALNI INSPEKTOR POLICIJE**

**Admir Gazić**

#### **DOSTAVLJENO:**

1. Ponuđač, 1x.-
2. Sektor za mat.-fin.poslove, 1x.-
3. Spis, 1x.-